



Fedje kommune

Innkalling av Ungdomsrådet

Møtedato: 08.10.2019
Møtestad: Møterom NAV
Møtetid: 15:00 - 16:00

Eventuelle forfall må meldast til Signe Råheim per tlf. 56 16 51 09/ 458 19 536, sms til eller per epost til signe.raheim@fedje.kommune.no

Varamedlemmer møter berre etter nærare avtale.

Sakliste

Saknr	Tittel
012/19	Godkjenning av møteinnkalling og sakliste
013/19	Godkjenning av møtebok
014/19	Referatsaker
015/19	Forslag på leiar og nestleiar til ungdomsrådet
016/19	Val av repesentantar til fylkesting for ungdom
017/19	Open hall?

8. oktober 2019

Frida Herøy
møteleiar

Signe Råheim
sekretær



Sakspapir

Sakshandsamar	Arkiv	ArkivsakID
Signe Råheim	FE-033	19/485

Saksnr	Utval	Type	Dato
012/19	Ungdomsrådet	PS	08.10.2019

Godkjenning av møteinnkalling og sakliste

Saksutgreiing:

Forslag til vedtak:

Møteinnkalling og sakliste vert godkjent.



Sakspapir

Sakshandsamar	Arkiv	ArkivsakID
Signe Råheim	FE-033	19/485

Saksnr	Utval	Type	Dato
013/19	Ungdomsrådet	PS	08.10.2019

Godkjenning av møtebok

Vedlegg:

Protokoll - Ungdomsrådet - 04.09.2019

Saksutgreiing:

Forslag til vedtak:

Møtebok frå sist møte vert godkjent.



Møteprotokoll for Ungdomsrådet

Møtedato: 04.09.2019
Møtestad: Kommunehuset
Møtetid: 17:00 - 18:00

Møtedeltakarar	Parti
Amalie Henden Kleppe	
Frida Herøy	
Maren G. Tungland	
Marius Waage	

Forfall meldt frå følgjande medlemmar:	Parti
Ingeborg Kahrs	
Sivert Koppen Blomvågnes	
Torill Hermansen Horgen	H

Følgjande frå administrasjonen møtte:
Charlotte Lilleheil, Stian Herøy

Sakliste

Saknr	Tittel
008/19	Godkjenning av møteinnkalling og sakliste
009/19	Godkjenning av møtebok
010/19	Endringar i ungdomsrådet. Nye medlemmar?
011/19	Kva skal ungdomsrådet fokusere på det neste året?

008/19: Godkjenning av møteinnkalling og sakliste

Behandling:

Vedtak:

Møteinnkalling og sakliste vert godkjent. Samrøystes vedteke.

009/19: Godkjenning av møtebok

Behandling:

Vedtak:

Møtebok frå sist møte vert godkjent. Samrøystes vedteke.

010/19: Endringar i ungdomsrådet. Nye medlemmar?

Behandling:

Ungdomsrådet har forhørt seg rundt på ungdomskulen, det er fleire som ønskjer å vere medlem i ungdomsrådet.

Ingeborg Kahrs (nestlaiar) og Sivert Koppen Blomvågnes har søkt om fritak då dei ikkje lenger bur på Fedje. Då er det tre jenter og ein gut i ungdomsrådet igjen, og dei ønskjer fleire gutar.

Ungdomsrådet føreslår følgjande kandidatar for nytt ungdomsråd som vert konstituert i kommunestyre i november:

Ståle Opsahl 2 år (nytt medlem)
Amalie Henden Kleppe for 2 år
Frida Herøy 1 år
Maren Gullaksen Tungland 1 år
Marius Waage 1 år

Ungdomsrådet spør Jos Verhofstad i møte fordi han går på Austrheim vgs og dei ønskjer eit medlem frå der.

Han ønskjer å tenke på det. Om Jos seier nei vil dei spørje ein annan elev ved Austrheim vgs.

Vedtak:

Ungdomsrådet føreslår følgjande kandidatar for nytt ungdomsråd som vert konstituert i kommunestyre i november:

Ståle Opsahl 2 år (nytt medlem)

Amalie Henden Kleppe for 2 år

Frida Herøy 1 år

Maren Gullaksen Tungland 1 år

Marius Waage 1 år

+ ein person frå Austrheim vgs (dei vil i fyrste rekke spørje ein gut).

Samrøystes vedteke.

011/19: Kva skal ungdomsrådet fokusere på det neste året?**Behandling:**

Ungdomsrådet har spurt ungdommer på Fedje skule kva dei ønskjer ungdomsrådet skal fokusere på det neste året.

Eit forslag er open hall frå 8. klasse og oppover.

Annakver torsdag, til dømes datoane:

3.oktober, 17.oktober, 31.oktober

7.november, 21.november

5.desember, 19.desember

Dei vil spørje foreldre om dei kan vere vakt, lage ein vaktordning.

Når det gjeld arrangement ønskjer ungdomsrådet å ha neon-party i laupet av hausten.

Føreslår 12.oktober.

Eit mål er å samarbeide med andre kommuner om felles arrangement. Leiar skal høre med ungdomskoordinator på Austrheim om samarbeid, samt LARM (eit sambarbeid mellom Lindås Austrheim Radøy Meland om arrangement med meir.

Første helg i november er det fylkessamling for ungdomsråd i Hordaland. Fedje ungdomsråd ønskjer å stille med to representantar.

Mobil i friminutt

Ungdomsrådet vil skrive eit innlegg der dei støtter forslaget om mobil i friminutt. Dei skal samlast og finne argumenter og forme eit lesarinnlegg dei vil sende til avisa Strilen.

Vedtak:

Ungdomsrådet vil jobbe vidare med overnemde saker. Samrøystes vedteke.



Sakspapir

Sakshandsamar	Arkiv	ArkivsakID
Signe Råheim	FE-033	19/485

Saksnr	Utval	Type	Dato
014/19	Ungdomsrådet	PS	08.10.2019

Referatsaker

Saksutgreiing:

Forslag til vedtak:

Referatsaker vert tekne til orientering.



Sakspapir

Sakshandsamar	Arkiv	ArkivsakID
Signe Råheim	FE-033	19/461

Saksnr	Utval	Type	Dato
015/19	Ungdomsrådet	PS	08.10.2019

Forslag på leiar og nestleiar til ungdomsrådet

Saksutgreiing:

Bakgrunn

På førre møte i ungdomsrådet føreslo ungdomsrådet medlemmer til ungdomsrådet, men dei føreslo ikkje kven som skal vere leiar eller nestleiar. Dette forslaget var utan elev frå Austrheim vidaregåande skule.

I følgje vedtektene til ungdomsrådet skal:

Ungdomsrådet ha fire medlemmer, der ein er leiar og ein anna er nestleiar. Det skal også vere med ein elev frå Austrheim vidaregåande skule i ungdomsrådet. Elevrådsleiar ved Fedje skule skal også vere med i ungdomsrådet. Det skal også vere varamedlemmer til ungdomsrådet. Varamedlemmer kan møte på møtene til ungdomsrådet, men dei får ikkje møtegodtgjersle og kan ikkje røyste på saker med mindre dei møter for eit fast medlem.

Vurdering

Det må veljast leiar og nestleiar i ungdomsrådet, fordi ungdomsrådet må ha ein leiar og ein nestleiar for oppfylle vedtektene til val av ungdomsråd.

Ungdomsrådet skal også ein representant frå Austrheim vidaregåande skule for å oppfylle vedtektene til val av ungdomsråd.

Leiar av elevrådet må få vite at elevrådsleiaren skal vere med i ungdomsrådet.

Miljø

Økonomi

Konklusjon

Det vert laga forslag frå ungdomsrådet med kven dei foreslår som leiar og nestleiar. Dette forslaget må også innhaldet medlem frå Austrheim vidaregåande skule og elevrådsleiar, og varamedlemmer.

Forslag til vedtak:

NN vert føreslege til leiar i ungdomsrådet og NN vert føreslege til nestleiar i ungdomsrådet.



Fedje kommune



Sakspapir

Sakshandsamar	Arkiv	ArkivsakID
Signe Råheim	FE-025, FE-033	19/464

Saksnr	Utval	Type	Dato
016/19	Ungdomsrådet	PS	08.10.2019

Val av representantar til fylkesting for ungdom

Vedlegg:

Innkalling til fylkesting for ungdom Vestland 2019

ungdommens fylkesting informasjon

ungdommens fylkesting informasjon 2

ungdommens fylkesting informasjon 3

ungdommens fylkesting informasjon 4

Saksutgreiing:

Bakgrunn

Det er kome invitasjon til Ungdommens fylkesting frå Ungdommens fylkesutval Hordaland og Ungdomspolitisk utval Sogn og Fjordane, Hordaland fylkeskommune og Sogn og Fjordane fylkeskommune. Det vert invitert til ungdommens fylkesting Hordaland og fylkesting for ungdom Vestland 01.11 til 03.11.2019 på Scandic hotell Kokstad, Bergen.

Frå og med 1. januar 2020 blir Hordaland fylkeskommune og Sogn og Fjordane fylkeskommune Vestland fylkeskommune. Dette inneber at Ungdommens fylkesting i Hordaland og fylkesting for ungdom i Sogn og Fjordane blir fylkesting for ungdom Vestland. I ny kommunelov som gjeld frå denne hausten er det lovfesta at det skal vere eit medverknadsorgan for ungdom og at ungdom skal ha ei tydeleg og reell påverknadskraft i fylket. Fylkesting for ungdom Vestland skal med bakgrunn i dette markere ein ny start for ungdomsmedverknad i Vestland. Kvar kommune kan sende to delegatar til fylkesting for Hordaland og fylkesting for Vestland.

«Ungdomsråd og alle mellom 14 og 20 år i fylket kan melde inn saker til Ungdommens fylkesting Hordaland.» Fristen for å sende inn saker er 11.oktober.

På ungdommens fylkesting Vestland vert det valt kandidatar til Vestland ungdomsutval.

«Vestland ungdomsutval vert arbeidsorganet til fylkesting for ungdom Vestland. Det vil seie at dei skal følgje opp planar og vedtak frå fylkesting for ungdom Vestland. Utvalet vil bestå av 9 medlemer. Det skal og veljast sju varamedlemer, der dei tre første har møteplikt. Medlemmene av Vestland ungdomsutval skal på valtidspunktet ikkje ha fylt 19 år. Vestland ungdomsutval peikar sjølv ut leiar og nestleiar som skal veljast ut mellom medlemmene. Varamedlemer kan ikkje bli valt som leiar eller nestleiar. Vestland ungdomsutval skal ha ein valperiode på inntil to år. »

På ungdommens fylkesting Vestland skal det handsamast framlegg til eigne vedtekter for fylkesting for ungdom Vestland.



Fedje kommune

Vurdering

Deltaking på ungdommens fylkesting Hordaland og ungdommens fylkesting Vestland vil vere ein arena der ungdom kan lære om korleis politiske prosesser føregår i større skala enn i ein kommune. På ungdommens fylkesting Vestland skal det både vedtakast vedtekter og det skal veljast kandidatar til Vestland ungdomsutval. Framlegg til vedtekter og forslag til kandidatar til Vestland ungdomsutval vil verte handsama politisk. Både prosessen rundt det å vedta eit framlegg og prosessen rundt å velje foreslåtte kandidatar til Vestland ungdomsutval er politisk handverk som kan vere nyttig å lære for ungdomane i ungdomsrådet. I tillegg til dette kan ungdommane verte kjent med andre ungdommar som er politisk engasjerte og diskutere politikk med dei. Ungdommane kan lære mykje av politiske debatter og politiske prosessar som dei kan ha nytte av seinare både som medlem i ungdomsrådet, men også seinare i livet. Ungdommane som deltek på ungdommens fylkesting kan også lære ved å gjenfortelje kva dei har vore med på til dei andre ungdommane i ungdomsrådet.

Konklusjon

Det å sende to ungdommar på ungdommens fylkesting Hordaland og ungdommens fylkesting Vestland vil føre til at to ungdommar vil få politisk utbytte av å delta på desse møta. Dette utbytte kan også føre til at dei kan fortelje dei andre ungdommane i ungdomsrådet om kva dei har lært, og dei andre ungdommane i ungdomsrådet kan lære noko av det. Det læringsmessige utbytte ungdommane får overgår kostnadene det er å sende to ungdommar på fylkesting Hordaland og Vestland.

Forslag til vedtak:

To medlemmer av ungdomsrådet frå Fedje vert valt til å reise på ungdomens fylkesting.

Invitasjon til fylkesting for ungdom

Ungdommens fylkesutval Hordaland (UFU), Ungdomspolitisk utval Sogn og Fjordane (UPU), Hordaland fylkeskommune og Sogn og Fjordane fylkeskommune inviterer til ungdommens fylkesting Hordaland, fylkesting for ungdom Sogn og Fjordane og fylkesting for ungdom Vestland 1. til 3. november.

Frå og med 1. januar 2020 blir Hordaland fylkeskommune og Sogn og Fjordane fylkeskommune Vestland fylkeskommune. Dette inneber at Ungdommens fylkesting i Hordaland og fylkesting for ungdom i Sogn og Fjordane blir fylkesting for ungdom Vestland. I ny kommunelov som gjeld frå denne hausten er det lovfesta at det skal vere eit medverknadsorgan for ungdom og at ungdom skal ha ei tydeleg og reell påverknadskraft i fylket. Fylkesting for ungdom Vestland skal med bakgrunn i dette markere ein ny start for ungdomsmedverknad i Vestland.

Gjennomføring

Tidspunkt: 1. til 3. november 2019.
Stad: Scandic hotell Kokstad, Bergen.

Arrangementet vil bli gjennomført slik:

1. Parallele fylkesting for Sogn og Fjordane og Hordaland, fredag 1. november kl. 13:30 til 15:00.

- Her skal ein avvikle dei eksisterande fylkestinga. Desse fylkestinga vert arrangert etter gjeldande vedtekter.
- Ungdommens fylkesting Hordaland (UFT), fredag 1. november kl. 13:30 til 15:00:
 - Kvar kommune i Hordaland kan sende to delegatar.
 - Kommunane kan også melde på observatørar om dei ynskjer det. På grunn av avgrensa plassar vil påmelding for delegatar bli prioritert framfor observatørar.
 - Etter vedtektene for ungdommens fylkesting Hordaland delegat vere 14 til 20 år. Ein kan vere delegat frå og med det kalenderåret ein fyller 14 år, og til og med det året ein fyller 20 år.
- Fylkesting for ungdom Sogn og Fjordane (FFU), fredag 1. november kl. 13:30 til 15:00:
 - Kvar kommune i Sogn og Fjordane kan sende to delegatar og to observatørar. Dei mest folkerike kommunane kan sende fleire delegatar, jf. § 4-1 i vedtektene for FFU. Desse kommunane kan sende følgjande tal delegatar totalt: Flora: 4, Førde: 4, Gloppen: 3, Luster: 3, Sogndal: 3, Stryn: 3, Vågsøy: 3, Årdal: 3.
 - Politiske ungdomsparti og fylkesdekkande ungdomsorganisasjonar kan sende to delegatar og to observatørar kvar til dette fylkestinget, etter gjeldande vedtekter.
 - Etter vedtektene for fylkesting for ungdom Sogn og Fjordane skal ein delegat vere mellom 13 og 23 år og skal ha folkeregistrert adresse i Sogn og Fjordane fylke. Det same gjeld for observatørar.

2. Fylkesting for ungdom Vestland, fredag 1. november kl. 15:00 til søndag 3. november kl. 13:00.

- Her legg ein til grunn det føreslegne reglementet for folkevalde organ i Vestland fylkeskommune. Reglementet er handsama av fellesnemnda i sak 44/2019 og skal handsamast av fylkestinget i Vestland 15. og 16. oktober 2019. Det er føreslått at fylkesting for ungdom Vestland skal ha ei samansetjing på 86 medlemmer, med to representantar frå alle kommunale ungdomsråd i fylket. Medlemene av fylkesting for

ungdom skal på valtidspunktet ikkje ha fylt 19 år. Vi tek atterhald om eventuelle endringar i fylkestinget, og vil oppdatere straks dersom det vert endringar for fylkesting for ungdom.

- Det vil seie at det berre er kommunane som kan sende delegatar til dette fylkestinget, to delegatar pr. kommune. Politiske ungdomsparti og fylkesdekkande ungdomsorganisasjon kan såleis ikkje sende delegatar og observatørar til fylkesting for ungdom Vestland. Dersom partia eller organisasjonane ynskjer det kan deltakarane deira vere gjestar på fylkesting for ungdom Vestland.
- For dei kommunane i Sogn og Fjordane som kan sende fleire enn to delegatar til fylkesting for ungdom Sogn og Fjordane betyr dette at ein må peike ut kva delegatar som skal få endra status frå delegat til observatør til fylkesting for ungdom Vestland fredag ettermiddag, og kven som framleis skal vere delegatar. Dette skal registrerast i påmeldingsskjemaet. Dersom kommunen ynskjer det kan dei som ikkje vert med vidare som delegat til fylkesting for ungdom Vestland berre delta på fylkesting for ungdom Sogn og Fjordane fredag.
- Framlegg til eigne vedtekter for fylkesting for ungdom Vestland vil bli handsama under tingsetet. Sakliste vert lagt ut fjorten dagar før tingsetet.

Sjå program for detaljar.

Meir informasjon

All informasjon om fylkestinga for ungdom finn du på sfj.no/fylkesting-for-ungdom.

Der finn du informasjon om:

- Gjennomføring av tingseta og konsekvensar i høve tal delegatar og observatørar
- Alternativ for deltaking og prisar
- Samtykkeskjema, som alle deltakarar må sende inn
- Reise og opphald
- Korleis stille som kandidat til Vestland ungdomsutval

På desse sidene finn du også:

- Lenkje til påmeldingsskjema
- Program
- Saklister
- Vedtekter for ungdommens fylkesting Hordaland og fylkesting for ungdom Sogn og Fjordane
- Ordensreglar

Påmeldingsfrist

Påmeldingsfristen er 18. oktober 2019.

Vi ber om at denne invitasjonen vert vidareformidla til dei som vert påmelde til fylkesting for ungdom.

Vel møtt til fylkesting for ungdom Sogn og Fjordane, ungdommens fylkesting Hordaland og fylkesting for ungdom Vestland!

Kontaktinformasjon

Ta gjerne kontakt dersom de har spørsmål.

Hordaland:

- Oda Medhus, leiar i ungdommens fylkesutval Hordaland. E- post: oda.medhus@outlook.com, mob. 954 24 228.
- Silje Lyngstad, rådgjevar ved fylkessekretariatet, Hordaland fylkeskommune. E- post: silje.lyngstad@hfk.no, mob.928 65 813.

Sogn og Fjordane:

- Guro Høyvik, seniorrådgjevar i nærings- og kulturavdelinga, Sogn og Fjordane fylkeskommune . E- post guro.hoyvik@sfj.no, mob. 415 30 608.
- Marthe Teigen Refsnes, leiar i ungdomspolitisk utval Sogn og Fjordane. E- post: ungdomspolitiskutval@sfj.no, mob. 415 48 481.

Program

- [Rammeprogram](#)

Nyttige lenker

- [Innkalling til fylkesting for ungdom 2019](#)
- Sakliste for FFU Sogn og Fjordane (publiserast 18.10.19)
- Sakliste for UFT Hordaland (publiserast 18.10.19)
- Sakliste for fylkesting for ungdom Vestland (publiserast 18.10.19)
- [Vedtekter for fylkesting for ungdom Sogn og Fjordane](#)
- [Vedtekter for ungdomspolitisk utval Sogn og Fjordane](#)
- [Vedtekter for ungdommens fylkesting Hordaland og ungdommens fylkesutval Hordaland](#)

Påmelding, alternativ for deltaking og prisar

Tal delegatar og observatørar

Sjå informasjon under punktet gjennomføring.

Prisar, deltakarar frå kommunar

Kommunane dekkjer kostnader for opphald og reise for sine deltakarar, og difor er det kommunen som må melde på deltakarar frå ungdomsråda. Fylkeskommunen sender ut faktura i etterkant av samlinga. Avmelding etter påmeldingsfristen blir fakturert fullt ut.

- Deltek fredag til søndag; overnatting på tremannsrom inkl. lunsj og middag fredag, frukost, lunsj og middag laurdag, og frukost og lunsj søndag; kr 2500.
- Deltek på fylkesting for ungdom Sogn og Fjordane fredag (kl. 13:30 til 15:00); inkl. lunsj, ikkje overnatting; kr 200.
- Deltek på fylkesting for ungdom Sogn og Fjordane fredag og overnattar til laurdag pga. lang reiseveg heim; overnatting på tremannsrom inkl. lunsj og middag fredag, frukost laurdag; kr 1000.
- Ta kontakt dersom deltakaren ynskjer andre alternativ for overnatting, sjå kontakthinformatjon nedst i saka. Sjå også avsnittet "reise og opphald".

Reise og opphald

Kommunane, partia og organisasjonene må organisere reise for sine deltakarar til og frå fylkesting for ungdom og dekkje kostnaden for desse.

Alle deltakarar skal i utgangspunktet dele rom med to andre deltakar, av same kjønn. Så langt som råd prøver vi å plassere deltakarane på rom med nokon dei kjenner frå før, og med nokon som er på om lag same alder. Dersom det er grunnar til at ein deltakar treng enkeltrom kan kommunen/partiet/organisasjonen eller deltakaren sjølv ta kontakt med fylkeskommunen for å avtale dette, sjå kontakthinformatjon nedst på sida. Det er eigne pristillegg for begge desse alternativa.

Dei sosiale aktivitetane på kvelden vert leia av ungdommens fylkesutval (UFU) og ungdomspolitisk utval (UPU). Målet er å få til eit godt fellesskap, som gjer det lettare for deltakarane å ta ordet i debattane. I tillegg er det å byggje nettverk på tvers av kommunegrensene og fylkesgrensa eit heilt sentralt mål med fylkesting for ungdom. UFU og UPU oppmodar alle deltakarane om å vere med på dei sosiale aktivitetane.

Til middagen laurdag kveld er det fint om deltakarane stiller i fint antrekk. Vi oppmodar også dei som har mogelegheit til det om å ta med seg berbar PC til fylkestinga.

Samtykkeskjema

Alle deltakarar må fylle ut og signere eit eige samtykkeskjema for at dei skal få delta på fylkestinget. Dette i høve til reiseforsikring, reglar, særskilde omsyn og generell informasjon om fylkestinget. Dersom deltakaren er under 18 år må ein føresett signere skjemaet. Også myndige deltakarar skal signere på skjemaet og stadfeste at dei er orientert om og godtek reglar og annan informasjon om FFU.

Du kan skanne eller ta bilde av skjemaet og sende som vedlegg til e- post, eller sende det som brev. Merk brevet med «Samtykkeskjema fylkesting for ungdom». Frist for innsending er 22. oktober 2019.

- Hordaland: e- post: silje.lyngstad@hfk.no. Brev: Hordaland fylkeskommune v/ Silje Lyngstad, pb. 7900, 5020 BERGEN.
- Sogn og Fjordane: e- post: guro.hoyvik@sfj.no. Brev: Sogn og Fjordane fylkeskommune v/ Guro Høyvik, pb. 173, 6801 FØRDE.

Last ned skjemaet her, vel det filformatet du ynskjer ved å klikke på ikonet:

- [Samtykkeskjema](#)  

Ordensreglar

Fylkesting for ungdom er eitt rusfritt arrangement. Deltakarar som bryt dette kravet vert sende heim, på eiga rekning. Om dette gjeld ein person på under 18 år vil fylkeskommunen orientere føresette. Dersom ein på noko tidspunkt må forlate hotellet skal dette avtalast med ungdommens fylkesutval eller ungdomspolitisk utval på førehand, og ein skal gje beskjed når ein går og når ein kjem attende. Hærverk eller anna skade på hotellet sin eigedom går på eiga rekning. Alle deltakarar er pliktige til å stille presis til møtestart, også etter pausar. Delegatar skal ikkje reise heim før møteslutt, med mindre anna er avtalt.

Alle deltakarane er gjestar på Scandic hotell Kokstad, og skal følgje det reglementet som er der, m.a. med omsyn til nattero og branntryggleik. Av omsyn til andre gjestar på hotellet skal deltakarar på fylkestinget ikkje opphalde seg i gangane etter kl. 22:00. Det kjem til å være trådløst internett på hotellet. Vi ser helst at mobilbruk føregår i pausane.

Kandidatar til Vestland ungdomsutval

Vestland ungdomsutval vert arbeidsorganet til fylkesting for ungdom Vestland. Det vil seie at dei skal følgje opp planar og vedtak frå fylkesting for ungdom Vestland. Utvalet vil bestå av 9 medlemmer. Det skal og veljast sju varamedlemar, der dei tre første har møteplikt. Medlemene av Vestland ungdomsutval skal på valtidspunktet ikkje ha fylt 19 år. Vestland ungdomsutval peikar sjølv ut leiar og nestleiar som skal veljast ut mellom medlemene. Varamedlemar kan ikkje bli valt som leiar eller nestleiar. Vestland ungdomsutval skal ha ein valperiode på inntil to år.

Delegatar/medlemmar på fylkesting for ungdom Vestland kan stille som kandidatar til Vestland ungdomsutval. Bruk skjemaet nedanfor for å melde deg som kandidat.

- [Skjema for å stille som kandidat til Vestland ungdomsutval](#) 

Kandidatar til Vestland ungdomsutval

Vestland ungdomsutval vert arbeidsorganet til fylkesting for ungdom Vestland. Det vil seie at dei skal følgje opp planar og vedtak frå fylkesting for ungdom Vestland. Utvalet vil bestå av 9 medlemmer. Det skal og veljast sju varamedlemar, der dei tre første har møteplikt. Medlemene av Vestland ungdomsutval skal på valtidspunktet ikkje ha fylt 19 år. Vestland ungdomsutval peikar sjølv ut leiar og nestleiar som skal veljast ut mellom medlemene. Varamedlemar kan ikkje bli valt som leiar eller nestleiar. Vestland ungdomsutval skal ha ein valperiode på inntil to år.

Delegatar/medlemmar på fylkesting for ungdom Vestland kan stille som kandidatar til Vestland ungdomsutval. Bruk skjemaet nedanfor for å melde deg som kandidat.

- [Skjema for å stille som kandidat til Vestland ungdomsutval](#) 

Melde inn saker

- Ungdommens fylkesting Hordaland:
Ungdomsråd og alle mellom 14 og 20 år i fylket kan melde inn saker til Ungdommens fylkesting Hordaland. Utsett frist for å sende inn saker: 11. oktober.
- Fylkesting for ungdom Sogn og Fjordane:
Kommunane, dei politiske ungdomspartia og dei fylkesdekkande ungdomsorganisasjonane i Sogn og Fjordane kan melde inn saker til fylkesting for ungdom Sogn og Fjordane. Saker kan og bli tekne opp av delegatane og observatørane under generell politisk debatt. Sakene skal handsamast av ungdomspolitisk utval, utsett frist for å sende inn saker: 11. oktober. Alle ungdommar i fylket i alderen 13 til 23 år har også mogelegheit til å melde inn saker til fylkesting for ungdom. Sakene skal handsamast av ungdomspolitisk utval, utsett frist for å sende inn saker: 11. oktober. Ungdomspolitisk utval set opp alle slike saker på saklista under eit eige punkt. FFU handsamar slike saker om minst 1/3 av fylkesting for ungdom røyster for handsaming. Dersom fylkesting for ungdom vel å handsame ei slik sak er det UPU som legg fram saka, med forslag til vedtak. Saker skal sendast til: ungdomspolitiskutval@sfj.no.
- Fylkesting for ungdom Vestland:
Kommunane kan melde inn saker til fylkesting for ungdom Vestland. Utsett frist for innsending: 11. oktober. Saker skal sendast til: ungdomspolitiskutval@sfj.no eller oda.medhus@outlook.com.

Påmeldingsfrist

Frist for påmelding er 18. oktober 2019.

Påmeldingsskjema

- [Lenkje til påmeldingsskjema for kommunar](#) 



Sakspapir

Sakshandsamar	Arkiv	ArkivsakID
Signe Råheim	FE-033	18/90

Saksnr	Utval	Type	Dato
017/19	Ungdomsrådet	PS	08.10.2019

Open hall?

Saksutgreiing:

Bakgrunn

Det har kome eit forslag frå ungdommene på Fedje skule om open hall for ungdommene frå 8.klasse og oppover annankvar torsdag.

Det er småbarnstrinn i hallen annankvar torsdag fram til kl.18.00

Vurdering

Ungdomsrådet må finne ut kva datoer dei kan tenkje seg å leige hallen. Deretter må ungdomsrådet ta kontakt med styre i hallen og finne ut om dei får leige hallen dei datoane dei kunne tenkje seg å leige hallen.

Når ungdomsrådet har fått leige hallen, må dei ta kontakt med foreldre og få foreldre til å stille som vakter.

Folkehelse

Miljø

Økonomi

Konklusjon

Ungdomsrådet må finne datoar dei kan tenkje seg å leige hallen. Når dei har funne datoane må dei ta kontakt med styret i hallen og finne ut om dei får leige hallen dei datoane dei kunne tenkje seg å leige hallen.

Når dei har fått leige hallen, må dei ta kontakt med foreldre og få foreldre til å stille som vakter. Til slutt må dei sende ut informasjon om open hall til ungdommer på Fedje.

Forslag til vedtak:

Ungdomsrådet må finne datoar dei kan tenkje seg å leige hallen. Når dei har funne datoane må dei ta kontakt med styret i hallen og finne ut om dei får leige hallen dei datoane dei kunne tenkje seg å leige hallen. Når dei har fått leige hallen, må dei ta kontakt med foreldre og få foreldre til å stille som vakter. Til slutt må dei sende ut informasjon om open hall til ungdommer på Fedje.